
Saopćenje za medije

29.12.2017. Sarajevo

BRUTO DOMAĆI PROIZVOD U FEDERACIJI BiH

Bruto domaći proizvod (BDP) u tekućim cijenama Federacije BiH u 2016. godini iznosi 19.540.120 hiljada KM i nominalno je veći za 4,6% u odnosu na 2015. godinu, dok realni rast BDP-a iznosi 2,9%.

Prema Klasifikaciji djelatnosti BiH 2010, najveće učešće bruto dodane vrijednosti u tekućim cijenama u ukupnoj bruto dodanoj vrijednosti u 2016. godini imaju sljedeće djelatnosti:

- Trgovina na veliko i malo, popravak motornih vozila i motocikala; Prijevoz i skladištenje; Djelatnosti pružanja smještaja te pripreme i usluživanja hrane sa učešćem od 23,9%;
- Industrijske djelatnosti (Vađenje ruda i kamena; Prerađivačka industrija; Proizvodnja i snabdijevanje električnom energijom, plinom, parom i klimatizacija; Snabdijevanje vodom, uklanjanje otpadnih voda, upravljanje otpadom te djelatnosti sanacije okoliša) sa učešćem od 23,1% i
- Javna uprava i odbrana, obavezno socijalno osiguranje; Obrazovanje; Djelatnost zdravstvene i socijalne zaštite sa učešćem od 19,4%.

Najmanje učešće bruto dodane vrijednosti u ukupnoj bruto dodanoj vrijednosti imaju djelatnosti Umjetnost, zabava i rekreacija; Ostale uslužne djelatnosti sa učešćem od 3,1%.

Najveće stope realnog rasta bruto dodane vrijednosti u 2016. godini u odnosu na 2015. godinu zabilježene su u područjima djelatnosti:

- Poljoprivreda, šumarstvo i ribolov 8,9 %;
- Finansijske djelatnosti i djelatnosti osiguranja 6,6%;
- Prerađivačka industrija 6,5%;
- Vađenje ruda i kamena 5,9%;
- Umjetnost, zabava i rekreacija 5,2% i
- Trgovina na veliko i malo, popravak motornih vozila i motocikala 5,1%.

Realni pad bruto dodane vrijednosti u 2016. godini u odnosu na 2015. godinu zabilježen je u područjima djelatnosti:

- Javna uprava i odbrana, obavezno socijalno osiguranje od 2,6%,
- Snabdijevanje vodom, uklanjanje otpadnih voda, upravljanje otpadom te djelatnosti sanacije okoliša 1,0% i
- Ostale uslužne djelatnosti 1,0%.

Bruto domaći proizvod po stanovniku u Federaciji BiH u 2016. godini iznosi 8.857 KM i veći je za 405 KM u odnosu na 2015. godinu, što nominalno predstavlja povećanje od 4,8%.

Prema prvim procjenama, Bruto domaći proizvod Federacije BiH u trećem tromjesečju 2017. godine realno je veći za 3,4% u odnosu na isto tromjesečje prethodne godine.

Posmatrano po djelatnostima, najveći realni rast bruto dodane vrijednosti u trećem tromjesečju 2017. godine zabilježen je u djelatnostima:

- Umjetnost, zabava i rekreacija; Ostale uslužne djelatnosti 18,3%;
- Industrijske djelatnosti (Vađenje ruda i kamena; Prerađivačka industrija; Proizvodnja i snabdijevanje električnom energijom, plinom, parom i klimatizacija; Snabdijevanje vodom, uklanjanje otpadnih voda, upravljanje otpadom te djelatnosti sanacije okoliša) 10,2%;
- Trgovina na veliko i malo, popravak motornih vozila i motocikala; Prijevoz i skladištenje; Djelatnosti pružanja smještaja te pripreme i usluživanja hrane 6,6% i
- Finansijske djelatnosti i djelatnosti osiguranja 5,8%.

Najveći realni pad bruto dodane vrijednosti u trećem tromjesečju 2017. godine zabilježen je u djelatnostima:

- Poljoprivreda, šumarstvo i ribolov 9,2% i
- Stručne, naučne i tehničke djelatnosti; Administrativne i pomoćne uslužne djelatnosti 4,0%.

(KRAJ)

Odsjek za odnose sa javnošću i biblioteka

Federalni zavod za statistiku

Ul. Zelenih Beretki broj 26.

+387 (33) 407 018

+387 (33) 226 151

fedstat@fzs.ba

www.fzs.ba